

Resolución Reitoral pola que se convocan bolsas de mobilidade para estudantes de grao e mestrado oficial para participar en proxectos e accións de cooperación ao desenvolvemento no curso 2022/2023

A Axenda 2030 presenta unha nova visión do desenvolvemento sostible que compromete en todos os países a axentes sociais e institucións públicas, entre as que se atopa a Universidade, a impulsar o crecemento económico e social sostible das sociedades.

A Universidade de Vigo, aliñada co cumprimento dos Obxectivos de Desenvolvemento Sostible (ODS), incorpóraos ás súas políticas universitarias a través de distintas actuacións nos seus campos de acción: docencia, investigación e extensión universitaria.

A Universidade de Vigo cre na necesidade de implicar a comunidade universitaria na busca activa de mecanismos que permitan o desenvolvemento sostible do noso planeta fundamentado na solidariedade, a dignidade das persoas, a xustiza, a equidade e a inclusión, a igualdade de xénero, o respecto aos dereitos humanos e as institucións democráticas, a defensa do medio ambiente e a solución pacífica das controversias, e como tal promove activamente e accións para formar profesionais responsables e comprometidos cos retos globais da Axenda 2030.

Por ese motivo en liña coa plan estratéxico da Universidade de Vigo 2020-2024 (Liñas 1, 24 e 27) e de acordo co plan estratéxico da Rede Galega de Cooperación Universitaria ao Desenvolvemento (RGCUD) rede a Universidade de Vigo, convoca estas estadías destinadas a estudantes Universitarios de grao e mestrado oficial para participar en accións e proxectos de Cooperación ao Desenvolvemento.

Esta actividade está financiada polo Convenio de colaboración entre a Vicepresidencia Primeira e a Consellería de Presidencia, Xustiza e Turismo e as Universidades da Coruña, Santiago de Compostela e Vigo para o proxecto de Consolidación do I Plan Estratéxico da Rede Galega de Cooperación Universitaria ao Desenvolvemento 2020-2030 e consecución dos Obxectivos de Desenvolvemento Sostible

Vista a *Lei 9/2007 de Subvencións de Galicia*, as disposicións aplicables da *Lei 38/2003, do 17 de novembro, Xeral de Subvencións* e as súas normativas de desenrolo.

En virtude das facultades que lle outorgan a Lei Orgánica 6/2001, de 21 de decembro, modificada pola Lei 4/2007, de 12 de abril, de Universidades e o artigo 72 do Decreto 13/2019, do 24 de xaneiro, polo que se aprobaron os estatutos desta universidade,

ESTA REITORÍA RESOLVE:

1. Convocar bolsas de mobilidade para estudantes de grao e mestrado oficial para participar en proxectos e accións de cooperación ao desenvolvemento en réxime de concorrencia competitiva, que serán xestionadas de acordo coas bases reguladoras que figuran no Anexo I.
2. Publicar esta convocatoria e as bases que a regulan no taboleiro da sede electrónica sede.uvigo.gal/ e no [portal de bolsas](#) da web da Universidade de Vigo.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na Lei 29/1998 do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo

CSV : GEN-8cc6-e4d2-a9ca-99d5-84cf-bed1-c1e7-c9ddDIRECCIÓN DE VALIDACIÓN : <https://portalfirmas.redsara.es/pf/valida>**FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F**

namentres non recaia resolución expresa ou presunta do recurso de reposición, de acordo co disposto na Lei 39/2015, de 1 de outubro, do procedemento administrativo común das administracións públicas.

Vigo, na data de sinatura electrónica

O reitor

Por delegación RR 22/06/2022 (DOG 06/07/2022)

A vicerreitora de Benestar, Equidade e Diversidade

María Isabel Doval Ruíz



CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F

ANEXO I

BASES DA CONVOCATORIA DE BOLSAS DE MOBILIDADE PARA ESTUDANTES DE GRAO E MESTRADO OFICIAL PARA PARTICIPAR EN PROXECTOS E ACCIÓNS DE COOPERACIÓN AO DESENVOLVEMENTO**1. OBXECTO**

Por medio desta bolsa os/as estudantes de Grao ou Mestrado oficial da Universidade de Vigo poderán realizar unha estadía vinculada a un axente de cooperación no marco dun proxecto ou acción de cooperación nun país dos sinalados nesta convocatoria, e que o traballo que desenvolva sexa validado no marco de traballos de fin de carreira, prácticas, ou traballos recoñecidos no marco de materia.

O obxectivo desta acción é a sensibilización do estudantado a través da súa participación nos proxectos de Cooperación internacional para o Desenvolvemento, coa fin de que integren elementos teóricos e prácticos adquiridos na súa formación académica e contribúan como universitarios e cidadáns comprometidos cos retos globais contidos na Axenda 2030.

Coa fin de potenciar o papel da Universidade de Vigo como axente de Cooperación resérvase unha bolsa para realizar estadias en cada un dos proxectos de cooperación ao desenvolvemento no exterior da UVigo financiados pola Cooperación Galega vixentes no momento de publicación desta convocatoria. De non existir persoas candidatas as bolsas en cada un dos proxectos serán acumuladas de acordo coa prioridade establecida na base oitava.

2. REQUISITOS DAS PERSOAS SOLICITANTES

Pode solicitar bolsa o estudantado que cumpra os seguintes requisitos:

- a) Estar matriculado no curso 2022/2023 nunha titulación de Grao ou Mestrado oficial da Universidade de Vigo.
- b) Ter superado o 50% dos créditos da titulación de Grao.
- c) Realizar a estadía nun dos países establecidos no IV e no V Plan Director da Cooperación Española, Países de Asociación Menos Avanzados (Cabo Verde, Guinea Bissau, Etiopía, Malí, Mauritania, Mozambique, Níxer, Senegal e Haití) ou nos Países de Asociación de Renda Media (Bolivia, Colombia, Cuba, Ecuador, O Salvador, Filipinas, Guatemala, Honduras, Marrocos, Nicaragua, Palestina, Paraguai, Perú e República Dominicana).
- d) Comprometerse a realizar prácticas, un traballo académico con recoñecemento curricular ou defender o Traballo Fin de Estudos, no curso 2022/2023 ou 2023/24 en temáticas relacionadas con:
 - Axenda 2030 e os obxectivos de desenvolvemento sostible.
 - Cooperación ao desenvolvemento: cooperación financeira; cooperación técnica; axuda alimentaria e axuda humanitaria; principios e fundamentos xurídicos; política e xestión; cooperación e muller; dereitos humanos; ONG e outros actores da cooperación ONG; cooperación empresarial; cooperación universitaria.
- e) Contar coa aceptación dun axente de cooperación responsable do proxecto de cooperación no exterior (ONG, Asociación, Fundación, Universidade)
- f) Contar co visto e prace dun/dunha profesor/a da UVigo, no que se reflicta o interese formativo da estadía, en que constarán as indicacións do recoñecemento curricular que poidan supoñer para o/a estudante (prácticas, materias, ou traballo fin de estudos).
- g) Para aqueles países cuxo idioma oficial non sexa nin español nin portugués cómpre acreditar, segundo o Marco Común Europeo de Referencia, o nivel B1 de inglés/ francés.

CSV : GEN-8cc6-e4d2-a9ca-99d5-84cf-bed1-c1e7-c9ddDIRECCIÓN DE VALIDACIÓN : <https://portafirmas.redsara.es/pf/valida>**FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F**

- h) Non poderán ter a condición de beneficiarios/as persoas que residan habitualmente no país no que se solicita a estadía.

Non poderán ter a condición de beneficiario/a as persoas nas que concurra algunha das circunstancias establecidas no artigo 13.2 da Lei 38/2003 Xeral de Subvencións, de 17 de novembro.

3. CARACTERÍSTICAS DA MOBILIDADE

- As estadias obxecto das axudas deberán ter unha duración mínima de 30 días e máxima de 90 días.
- O período elixible para a mobilidade é o comprendido entre o 1 de maio de 2023 e o 31 de outubro de 2023.
- As estadias realizaranse nalgún dos países sinalados no punto 2c) desta convocatoria.
- As actividades a realizar durante a estadía deben ter relación directa coas prácticas, traballo fin de estudos ou coa materia de que se trate.
- As actividades non poderán realizarse en países aos que o Ministerio de Asuntos Exteriores e de Cooperación (MAEC) de España desaconselle viaxar, durante ou despois da resolución da convocatoria. As recomendacións de viaxe para cada país poderán consultarse a través do seguinte enlace: <https://www.exteriores.gob.es/es/ServiciosAlCiudadano/Paginas/Recomendaciones-de-viaje.aspx>
- A estadía desenvolverase en proxectos de cooperación liderados pola UVIGO ou outros proxectos desenvolvidos por entidades de cooperación, sen ánimo de lucro que se atopen inscritas no rexistro de axentes da Xunta de Galicia, [Agentes inscritos | Cooperación Galega \(xunta.gal\)](#) noutros rexistros análogos das Comunidades Autónomas ou da AECID [Portal Web AECID Buscador de ONGD inscritas en el Registro](#)
- A persoa solicitante deberá contar cun titor/a na entidade de acollida que asumirá as tarefas de apoio, supervisión e orientación do plan de traballo a realizar.

A Universidade de Vigo resérvase, o dereito de suspender a convocatoria ou anular algunha/s das bolsas, no caso que as condicións no país de destino empeoren ou que as autoridades sanitarias desaconsellen a actividade no seo da entidade de destino por mor de calquera situación sobrevida.

4. PERFIL DAS ENTIDADES DE DESTINO.

A entidade de destino cumprirá algún dos seguintes perfís:

- a) ONGD ou Fundación española con sede no país de destino, onde desenvolve proxectos de Cooperación ao Desenvolvemento.
- b) Organización sen ánimo de lucro do país de destino, con fins relacionados co eido da cooperación ao desenvolvemento no marco dos Obxectivos de Desenvolvemento Sostible (o desenvolvemento comunitario, a loita contra a pobreza, a exclusión social, o acceso á saúde e a educación universal, etc.).
- c) Organización local contraparte dunha Universidade Pública do Sur con proxectos sociais.

Quedan excluídas como entidade de destino as organizacións con ánimo de lucro e outras institucións sen fins sociais. Nas Universidades do Sur non se aceptarán proxectos puramente académicos e de investigación.



5. INCOMPATIBILIDADES

As bolsas que se establecen nesta convocatoria serán incompatibles con calquera outra axuda da mesma natureza e para a mesma finalidade.

O importe das axudas en ningún caso poderá ser de tal contía que de xeito illado ou en concorrencia con outras subvencións, axudas, ingresos ou recursos supere o coste da actividade subvencionada segundo establece o artigo 19.3 da *Ley 38/2003 de 17 de novembro, General de Subvenciones*.

6. DOTACIÓN, CONTÍA E PAGAMENTO

1. Os fondos destinados a esta axuda irán con cargo á aplicación orzamentaria 00BE121D482.99 e o importe máximo do crédito orzamentario retido para esta convocatoria ascende a 7.167,00€ para o que se achega o correspondente certificado de existencia de crédito.

2. A contía máxima da bolsa dependendo da duración e do destino, ata o esgotamento do crédito, será:

- Viaxe entre a cidade de destino e a cidade onde está matriculado:

Distancias	Contía da axuda
Entre 500 e 1.999 KM	275,00 €
Entre 2.000 e 2.999 KM	360,00 €
Entre 3.000 e 3.999 KM	530,00 €
Entre 4.000 e 7.999 KM	820,00 €
8000 KM ou máis	1.500,00 €

Para o cálculo das distancias utilizarse a ferramenta : Calculadora de viaxes Erasmus +: [Distance Calculator | Erasmus+ \(europa.eu\)](https://distancecalculator.ec.europa.eu/)

- Manutención e aloxamento: 500 €/cada 30 días ou o importe proporcional á duración da estadía.
- Seguro de asistencia sanitaria.

No caso de que non exista crédito suficiente para outorgar a contía establecida á última persoa seleccionada, esta recibirá o importe restante ata o esgotamento do crédito, sen prexuízo de que no caso de que se produza algunha renuncia se lle complete ata a contía prevista.

No caso de non esgotarse o orzamento poderase asignar unha contía adicional máxima de 500 euros calculada de xeito proporcional á duración da estadía.

3. O pagamento da bolsa efectuarase en dúas fases:

- O 80% da contía unha vez presentada a carta de aceptación da bolsa.
- O 20% ao finalizar a estadía e unha vez presentada a memoria final co visto e prace do/a titor/a da entidade de acollida.

7. PRESENTACIÓN DE SOLICITUDES E DOCUMENTACIÓN

1. As persoas solicitantes deberán encher o **formulario en liña** no seguinte enlace https://secretaria.uvigo.gal/uv/web/formularios/encuesta/cubrir_paso1/10816, **descargalo e presentalo na Sede Electrónica** da Universidade de Vigo (<https://sede.uvigo.gal>) a través da Instancia Xenérica (SXER) existente na sede, e pór como **asunto** "Bolsas de mobilidade para participar en proxectos de cooperación", achegando unicamente o arquivo coa solicitude.



Para a presentación electrónica deste procedemento, a sede electrónica da Universidade de Vigo dispón de instrucións de axuda que deberán ser observadas en todo momento polas persoas solicitantes: https://www.uvigo.gal/sites/uvigo.gal/files/contents/paragraph-file/2020-06/Guia_rexistro_instancia_xenerica_gl.docx.pdf. No caso de dúbida, dificultades técnicas ou necesidade de máis información durante o proceso de presentación dos formularios, poderán dirixirse ao enderezo electrónico sede@uvigo.gal.

O modelo específico de presentación de solicitudes é de uso obrigatorio para as persoas interesadas neste procedemento (art. 66.6 da *Lei 39/2015 do 1 de outubro, do procedemento administrativo común das administracións públicas*). Se algunha das persoas interesadas presenta a súa solicitude de xeito presencial, se lle requirirá para que a emenda a través da súa presentación electrónica. A estes efectos, considerarase como data de presentación da solicitude aquela na que foi realizada a emenda, de acordo ao artigo 68.4 da *Lei 39/2015, do 1 de outubro, do procedemento administrativo común das administracións públicas*.

2. O prazo de presentación das solicitudes comeza o día seguinte a publicarse esta convocatoria e finaliza o **9 de marzo de 2023 ás 23:59 horas** (hora peninsular española).

3. No formulario en liña achegarase a seguinte documentación (non hai que subir a documentación á sede electrónica):

- Documentación acreditativa da formación e/ou experiencia en voluntariado e cooperación ao desenvolvemento.
- Documentación acreditativa do idioma.
- O alumnado que accedeu ao Mestrado oficial desde estudos cursados en universidades estranxeiras deberá aportar a Declaración de Equivalencia de Nota media solicitada ao *Ministerio de Educación y Formación Profesional* a través do seguinte enlace:

<https://www.educacionyfp.gob.es/servicios-al-ciudadano/catalogo/gestion-titulos/estudios-universitarios/titulos-extranjeros/equivalencia-notas-medias.html>

- Plan de traballo individualizado que conterá unha descrición do traballo a realizar no marco do TFG/TFM, a súa motivación, obxectivos, actividades e resultados esperados. (Anexo II)
- Informe **dun/dunha profesor/a** da UVigo, na que se reflicta o interese formativo da estadía, no que constarán as indicacións do recoñecemento curricular que poidan supoñer para o/a estudante (prácticas de materias, proxecto fin de carreira ou traballo de materias). (Anexo III)
- Carta de acollida e presentación do proxecto asinada pola organización ou persoa coordinadora do proxecto de acollida. (Anexo IV)

Tamén se lles poderá requirir que acheguen outra documentación que resulte necesaria para avaliar correctamente os requisitos e méritos alegados. O feito de non achegar a documentación requirida será causa de exclusión.

8. SELECCIÓN E RESOLUCIÓN

A Sección de Axudas e Bolsas logo de rematar o prazo de presentación de solicitudes e unha vez examinadas estas e a documentación presentada, publicará a **listaxe provisoria de solicitudes admitidas e excluídas**, coa mención da causa de exclusión.

As persoas interesadas disporán dun prazo de **cinco días hábiles** contados desde o día seguinte á publicación para emendar os erros, a falta de documentación e as causas de exclusión. Para tal fin, presentarán o **formulario de alegacións** na Secretaría Virtual. De non presentar emenda entenderase que desiste da súa solicitude previa resolución ditada conforme á *Lei 39/2015 de 1 de outubro*.

CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F



Unha vez revisadas as alegacións, a selección será efectuada pola comisión de avaliación de acordo coa seguinte prioridade e puntuación:

A. Prioridade:

1º. Resérvase unha bolsa para realizar estadias en cada un dos proxectos de cooperación ao desenvolvemento no exterior da UVigo financiados pola Cooperación Galega vixentes no momento de publicación desta convocatoria.

2º. Proxectos que obtivesen financiamento da Cooperación Galega.

3º. Cupo xeral

B. Puntuación: dentro de cada colectivo dos sinalados anteriormente se adxudican as bolsas de acordo coa seguinte puntuación:

1. Calidade do plan de traballo atendendo a ás motivación calidade técnica, interese científico e obxectivos de formación: ata 4 puntos

2. Experiencia ou formación en voluntariado e formación cooperación ao desenvolvemento: ata 2 puntos

- a) Cursos/actividades de voluntariado presenciais de até 10 horas: 0,02 puntos por hora
- b) Cursos/actividades de voluntariado presenciais de entre 11-20 horas: 0,05 puntos por hora
- c) Cursos/actividades de voluntariado presenciais a partir de 21 horas: 0,1 puntos por hora
- d) Cursos ou outras actividades non presenciais: 0,01 puntos por hora cun máximo de 0,4 por curso.
- e) No caso de que no certificado non aparezan as horas, o curso/actividade puntuarase como 0,02.

3. Nota media dos estudos de Grao nos que se atopa matriculado/a e no caso do estudantado matriculado en estudos de Mestrado oficial nota de acceso, *ponderada* coa nota media da titulación: ata 2 puntos

Para a ponderación, no caso de estudos realizados en universidades españolas, terase en conta a nota media que, de acordo cos datos da Clasificación Internacional Normalizada da Educación (ISCED), corresponda á súa titulación na universidade na que a cursou: https://www.universidades.gob.es/wp-content/uploads/2023/01/nm_isced_general_y_universidad_fpu2022.pdf.

Para os estudos realizados no estranxeiro, a ponderación realizarase tendo en conta as notas medias ISCED para estudos estranxeiros: <https://www.educacionyfp.gob.es/dam/jcr:7ae3604f-ca06-4329-9047-236c5bbcb9f9/nota-media-extranjeros.pdf>

4. Recoñecemento por TFG/TFM e prácticas: 2 puntos

5. Proxecto de acollida: Valorarase a traxectoria do axente de cooperación, que o proxecto de acollida estea financiado por convocatorias públicas de cooperación ao desenvolvemento, e o soporte proporcionado á persoa solicitante: ata 3 puntos

No caso de que o número de persoas admitidas sexa inferior ao de premios ofertados aplicarase o procedemento abreviado establecido no artigo 22 da Lei 9/2007, de 13 de xuño, de subvencións de Galicia, polo que a Sección de Axudas e Bolsas formulará directamente a proposta de concesión á vicerreitoría de Benestar, Equidade e Diversidade sen necesidade de que interveña a comisión de selección.



A Comisión de selección está composta por:

Presidenta: María Isabel Doval Ruíz, vicerreitora de Benestar, Equidade e Diversidade.

Vogais: Henar Quintas Salgado, directora da Área de Equidade e Diversidade

Rosa Graña, xefa dos Servizo de Axudas ao Estudo, Bolsas e Prezos Públicos.

A comisión pode solicitar informes técnicos externos no caso de ser necesario.

Se, por calquera causa, no momento en que a comisión avaliadora teña que examinar as solicitudes, algún/algúnha dos/das compoñentes non pode asistir, substituirase pola persoa que para o efecto se nomee. Este nomeamento deberá recaer noutra persoa da mesma unidade, órgano, entidade ou colectivo.

Unha vez efectuada a selección pola comisión, a Sección de Axudas e Bolsas publicará a **listaxe provisoria de persoas con bolsa concedida, denegada coa mención da causa de denegación e a listaxe de agarda** para o caso de existir renuncias.

As persoas interesadas poderán presentar alegacións no prazo de **cinco días hábiles**, contados desde o día seguinte á publicación. Para tal fin presentarán o **formulario de alegacións** na secretaría virtual.

Unha vez que a comisión revise as alegacións, enviaralle a proposta á vicerreitora de Benestar, Equidade e Diversidade, quen adxudicará as bolsas mediante a correspondente resolución.

As persoas interesadas poderán entender desestimadas as solicitudes de non se ditar resolución expresa no prazo de 3 meses contados desde o día seguinte ao do remate do prazo de presentación de solicitudes.

A resolución conterá a listaxe definitiva de persoas con bolsa concedida e a súa contía, a denegada e a causa de denegación, e a listaxe de agarda para o caso de existiren renuncias.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar dende o día seguinte ao da súa publicación (ou dende o día seguinte de recibir esta notificación), de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación (ou dende o día seguinte de recibir esta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Todas as resolucións ás que se refire este punto publicaranse nos rexistros da Universidade e no [portal de bolsas](#) da web da universidade.

Poderán realizarse as comunicacións individuais que resulten necesarias ao correo electrónico sinalado na solicitude, sen que estas teñan a consideración de notificación.

9. ACEPTACIÓN E RENUNCIA

As persoas beneficiarias das bolsas deberán aceptar por escrito a concesión da bolsa no prazo de **cinco días** dende a data de publicación da concesión.

De non facelo se lle concederá a bolsa a seguinte persoa da lista de agarda.

A renuncia voluntaria deberá realizarse mediante o **formulario de renuncia** existente na secretaría virtual e presentalo na sede electrónica da Universidade de Vigo (<https://sede.uvigo.gal>) dirixido á



Sección de Axudas e Bolsas, xunto co xustificante de reintegro da contía correspondente no caso de terse efectuado o pagamento. As renuncias aceptadas darán lugar á perda dos dereitos económicos no seu caso e a concesión da bolsa á seguinte persoa da lista de agarda.

10. OBRIGAS

As persoas beneficiarias das bolsas están obrigadas a:

- 1) Antes da estadía:
 - a) Asistir á formación organizada pola UVIGO e a entidade de cooperación.
 - b) A xestionar a súa viaxe, aloxamento, vacinacións e de ser o caso tramitar o visado e realizar calquera outra xestión necesaria para asegurar a permanencia no destino durante a duración do estadía.
- 2) Durante a estadía:
 - a) Enviar por correo electrónico a bolsas@uvigo.es a súa chegada ao país de destino xustificante de inicio de estadía asinado polo/a titor/a da entidade de acollida
 - b) Cumprir co plan de traballo presentado na solicitude. Calquera modificación (de datas, centro de destino...) deberá ser autorizada pola vicerreitora de Benestar, Equidade e Diversidade, á vista dos informes dos/as titores/as.
 - c) Cumprir a normativa vixente relativa ás prácticas externas establecidas pola universidade de Vigo, responsabilizándose da tramitación dos documentos que corresponda.
- 3) Ao finalizar a estadía:
 - a) Presentar un informe do/a titor/a da entidade de acollida que recolla a data de fin da estadía e o grao de desempeño.
 - b) Presentar unha memoria xustificativa do traballo realizado, resultados acadados e coñecementos adquiridos, que deberá contar co visto e prace do/a profesor/a.
 - c) Cubrir unha enquisa de satisfacción ao regreso da estadía.
- 4) Deberá presentar na Vicerreitoría de Benestar, Equidade e Diversidade documentación visual da súa estadía (fotografías ou vídeos en formato .JPG) e da súa participación no proxecto. En todo o material que se xere das actividades que se desenvolvan no marco desta convocatoria deberá constar que se levaron a cabo con financiamento da RGCUD no marco da vixente convocatoria da Uvigo.
- 5) Participar nunha actividade de sensibilización que determinará a Vicerreitoría de Benestar, Equidade e Diversidade, en que relatará a súa experiencia no terreo
- 6) Defender o traballo fin de estudos, matricularse/recoñecer as prácticas, ou a materia relacionada coa actividade, segundo sexa o caso, no curso 2022/2023 ou 2023/2024.

A Universidade de Vigo resérvase a posibilidade de editar materiais escritos ou dixitais co contido audiovisual entregado polas persoas bolseiras unha vez finalizada a súa estadía. As persoas beneficiarias da bolsa comprométese a ceder a propiedade de todo o material entregado á Universidade de Vigo como xustificación da estadía, que poderá facer uso deste para difundir a bolsa en calquera formato, indicando sempre a autoría.

Ademais o beneficiario/a debe cumprir as obrigas recollidas no artigo 14.1 da Lei 38/2013, de 17 de novembro, Xeral de Subvencións, que lle sexa de aplicación.



11. REINTEGRO DAS BOLSAS E PERDA DO DEREITO DE COBRO TOTAL OU PARCIAL

Son causas de reintegro e perda do dereito de cobro destas bolsas:

- Non cumprir os requisitos e obrigas recollidas na convocatoria.
- A ocultación de datos, alteralos ou manipular a información solicitada.
- Incurrir nalgunha das causas de incompatibilidade establecidas nesta convocatoria.

A persoa beneficiaria que incorra nalgunha destas causas, está obrigada a reintegrar á Universidade a cantidade indebidamente percibida.

12. TRANSPARENCIA

1. De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

2. En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

13. PROTECCIÓN DE DATOS

Información no [Portal de bolsas](#)



CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F

ANEXO II
FORMULARIO DO PROXECTO

(En calquera das alíneas deste impreso poderá empregarse máis espazo se fora preciso)

1. FICHA DESCRIPTIVA DO TRABALLO OU PROXECTO A REALIZAR	
1.1. <i>Título do traballo ou proxecto a realizar</i>	
1.2. <i>DATOS DA ONG/UNIVERSIDADE COLABORADORA</i>	
Nome da ONG/Universidade colaboradora	
1.3. <i>DATOS DA CONTRAPARTE LOCAL</i>	
Nome da ONG/Universidade colaboradora	
1.4. <i>BREVE DESCRICIÓN DO PROXECTO (DESCRIBA O PROXECTO EN CATRO OU CINCO LIÑAS)</i>	
1.5. <i>DATA DE INICIO E FINALIZACIÓN DO PROXECTO</i>	
Data de inicio	Data de finalización

CSV : GEN-8cc6-e4d2-a9ca-99d5-84cf-bed1-c1e7-c9ddDIRECCIÓN DE VALIDACIÓN : <https://portafirmas.redsara.es/pf/valida>**FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F**

2. DATOS BÁSICOS DO PROXECTO A REALIZAR**Título do Proxecto ou traballo:****País e lugar ou lugares de execución da estadía:****Duración da estadía:****Ámbito de actuación do proxecto (saúde, vivenda, educación, saneamento...):****Obxectivos xerais e específicos do proxecto:****3. DESCRICIÓN DAS ACTIVIDADES QUE SE LEVARÁN A CABO DURANTE A ESTADÍA****4. CRONOGRAMA DE ACTIVIDADES (indique as datas de realización, os prazos, o comezo e a fin das actividades...)**

CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F

(utilice máis espazo se fora necesario)

5-Motivacións para realizar a estadía

Código seguro de Verificación : GEN-8cc6-e4d2-a9ca-99d5-84cf-bed1-c1e7-c9dd | Puede verificar la integridad de este documento en la siguiente dirección : <https://portalfirmas.redsara.es/pf/valida>



CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portalfirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F

ANEXO III

Formulario do profesorado responsable da materia

DATOS DO/A PROFESOR/PROFESORA	
Primeiro Apelido:	Segundo Apelido:
Nome:	Correo electrónico:
Teléfono:	Departamento:
DATOS DO/A ESTUDANTE TITORIZADO	
Primeiro Apelido	Segundo Apelido::
Nome:	Titulación:
DATOS DA ACTIVIDADE QUE VAI A TITORIZAR (TFG, TFM, Practicas, traballos no marco de materias)	
Materia no marco da cal se recoñecerá a estadia	
Organización donde se realizará a actividade	
Actividades que realizará en terreo o/a estudante	
Describe como a actividade a realizar vai a contribuir a que a estudante desenvolva as competencias necesarias para superar o TFG/TFM/practicum/materia)	
Explique por que considera adecuado que o/a estudante realice esta actividade:	
DECLARO	
Que me comprometo á dirección e tutorización do/da estudante indicado/a	
Que dou o meu visto e praxe e avalo a realización desta actividade.	
INFORMACIÓN ADICIONAL	

CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F



En _____, a _____ de _____ de _____	Sinatura dixital.
-------------------------------------	-------------------

Código seguro de Verificación : GEN-8cc6-e4d2-a9ca-99d5-84cf-bed1-c1e7-c9dd | Puede verificar la integridad de este documento en la siguiente dirección : <https://portafirmas.redsara.es/pf/valida>



CSV : GEN-8cc6-e4d2-a9ca-99d5-84cf-bed1-c1e7-c9dd
DIRECCIÓN DE VALIDACIÓN : <https://portafirmas.redsara.es/pf/valida>
FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F

ANEXO IV – PÁXINA 1

Formulario para a ONGD/Entidade que desenvolve o proxecto de Cooperación

1- DATOS DA ONG/UNIVERSIDADE COLABORADORA

Nome da ONG/Universidade colaboradora			
Persoa de contacto (Nome e apelidos)		Nº Rexistro Galego de Axentes de cooperación ou similar	
Páxina web			
Correo electrónico		Tel.	
		Fax	
Enderezo para os efectos de notificación			

2 DATOS DA CONTRAPARTE LOCAL

Nome da ONG/Universidade colaboradora			
Persoa de contacto (Nome e apelidos)			
Páxina web			
Correo electrónico		Tel.	
Enderezo para os efectos de notificación			

3 Datos do proxecto

Título do proxecto	
Obxectivos xeral do proxecto	
Obxectivos específicos do proxecto	
Indicar se o proxecto esta financiado no marco dunha convocatoria pública	
Entidade financiadora	
Vixencia do proxecto	

CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F



4 BREVE EXPERIENCIA DA TRAXECTORIA DA ONGD OU ENTIDADE

Listaxe de proxectos
desenvolvidos indicando a
entidade financiadora

Outros datos relevantes

ANEXO IV – PÁXINA 2
COMPROMISO DA ONGD/ENTIDADE

Don/dona, _____, con DNI/Pasaporte n.º _____ en
calidade de _____, da entidade _____,
con domicilio social en _____
cidade _____, código postal _____, CIF _____, teléfono _____
fax _____, correo electrónico _____
_____.

Nome do proxecto _____.

País _____.

EXPÓN:

Que certifica a autenticidade de todos os datos que achegou e que asume a responsabilidade de lle proporcionar a persoa participante nesta convocatoria información sobre as normas de seguridade do país de destino (manual e outros documentos relevantes da ONGD); de se facer cargo de proporcionarlle aloxamento (sexa nunha residencia, apartamento, familia acolledora ou en calquera outro que cumpra as condicións mínimas de seguridade); e dos desprazamentos internos no país de destino do/da voluntario/a.

Alén diso, tamén se compromete a manifestar que a estadia da persoa beneficiaria da bolsa é unha convocatoria da Universidade de Vigo financiada pola RGCUD (Rede Galega de Cooperación Universitaria ao Desenvolvemento)

SOLICITA:

Que sexa admitida a candidatura de don/dona _____

en _____ dentro do proxecto de cooperación citado na páxina anterior

(sinatura da persoa responsable e con representación legal da entidade peticionaria)

CSV : GEN-8cc6-e4d2-a9ca-99d5-84cf-bed1-c1e7-c9dd

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : MARIA ISABEL DOVAL RUIZ | FECHA : 16/02/2023 12:53 | NOTAS : F

